

昆
陵
集

四



毘陵集卷第十七

朝散大夫使持節常州諸軍事守常州刺史賜紫金魚袋獨孤及

記述一十二首

風后八陣圖記

上元二年豫章冠蓋盛集記

江州刺史廳壁記

吏部郎中廳壁記

太常少卿廳壁記

金剛經報應述并序

瑤琊溪述并序

盧郎中尋陽竹亭記

馬退山茅亭記

撫州南城縣新亭記

鄭駙馬孝行記

慧山寺新泉記

風后八陣圖記

物不終靜必受之以動當純坤用事陰疑於陽則飛龍

戰大朴已

英華作以散聖盜竝起故戎馬生乃有并

英華作力吞

八荒爭截九有大者天柱折地維絕小者作厯盧山負
阻中冀上帝憑怒下土是恤乃眷武德黃帝受之始順

煞氣以作兵法文昌以命將於是乎征不服討不庭其

誰佐命曰元老風后蓋戎行之不修則師律用爽陰謀

之不作則凶氣何恃故天命聖者以光英華作廣戰術俾懸

衡於未然察變於倚數英華作奇獸握機制勝作爲陣圖夫

八宮之位正則數不愆神不惑文粹作忒故八其陣所以定

位也衡抗於外軸布於內風雲負英華作附其四維所以備

物也虎張翼以進蛇向敵而蟠飛龍翔鳥上下其勢所

以致用也至若疑兵以固其餘地遊軍以案其後列門

具將發然後合戰弛張則二廣迭舉犄角則四奇皆出

必使陷堅陣拔深壘若星馳天旋雷動山破彼文粹無
彼字

魏之鶴列鄭之魚麗周文粹有之熊羆昆陽之虎豹出

文粹成字

匪以律我異於是既而圖成罇俎帝用經略北逐獯鬻

南平蚩尤戡黎於阪泉省方於崆峒底定萬國旁羅七
曜鼎成龍至去而上僊於是在英華無

在字

遺風冥冥時亡

而圖存文粹有

字

於戲聖跡長往神機未昧酌其流者猶

足以決勝九

英華作三

軍禦侮萬里故項藉得之以霸西楚

黥布得之奄有九江孝武得之攘匈奴服甌越東收獮

貊西拓大夏然則聖圖幽贊未始有涯唐

文粹無唐字

天寶

中客有爲韜鈐者得其遺制於黃帝書之外篇裂素而

圖之則

文粹無則字

勝敗之朕在我股

英華作指

掌天地之心見

於毫末議欲獻諸策府用廣武事會天子以不戰爲師
無爲爲寶則是圖也興於多難廢於升平堙淪不書盛
德其沒及英華旌諸圖側以爲三皇之故事六藝之餘
伎云

上元二年豫章冠蓋盛集記

鳳皇鶴雛翔于碧霄非梧竹不下而食賢人君子有四

方之志非樂國不適其土豫章郡左九江而右洞庭接

苗民

英華作氏

之遺墟非觀風按郡

英華作部

參事歲職

二字英華作莅

者則長者車轍莫由至也歲次辛丑孟

英華無孟字

春正月

東諸侯之師有事于淮泗是役也以蜂蠻竊發華夷

類聚

夏震驚執事者匪遑啓居亦旣播越我都督防禦觀察處置使兼御史中丞韋公元甫克振遠略殷爲長城且修好于鄰侯從交相見敦英華作執同盟戮力之義圖靜難勤王之舉故三吳舟車八使冠蓋名公髦士羣后庶尹輻輳英華作輶鱗集其來如歸於是戶部尚書兼御史大夫李公垣至自廣陵越州刺史兼御史中丞杜公鴻漸至自會稽潤州刺史試鴻臚少卿韋公僕至自京口蘇州刺史韋公之晉至自吳廬州長英華作刺史前尚書右丞徐公浩至是合肥由是越人吳人荆人徐人以其孥行駱驛漸英華作游至大江之涯於是乎宏舸巨鷁舳接艤隘

輶車鸞鑣轉挂轂擊每講射合禮賓主好會峩星弁執
象笏雁行而揖英華有者字五十有九人凡處八座者一歷

中司者三尚書司轄者二建隼旗者九冠獬豸者十一

其載筆掖垣曳裾廷寺分曹環衛典校蓬萊英華作閣者印

纍纍綏若若架肩於宇下十一字英華作印綏纍然若差肩駕於宇下

翼如

也夫衛甸侯也以多君子而夸列國梁孝王漢寵弟也

有鄒枚嚴馬之盛而焜耀後世孰與以一郡之狹五湖

之阻而濟濟俊乂馳軒冕而就客位者殆九州多士之

半則鵠鳳羣翔而萃止英華不若也彼昔人所評作至

稱

方斯其陋乎歲二月楚氛掃除江介底定然後皆整歸

旂分鑣言旋繫維莫從音徽將遠不頌不述後嗣何觀
公於是謹而月英華作日之且列其爵里名氏於館俾來世
知衆君子之車塵在此境也

江州刺史廳壁記

古者國有史氏君舉必書倚相董狐史鮒史賀英華作器是
卽其人也秦已來國化爲郡史官廢職策牘之事英華作制
浸滅記事者但用名氏歲月書於公堂而春秋檮杌存
乎屋壁其來舊矣是州也在荆之域于潯之陽江英華作西
從岷山東注渤海洪濤至是派分爲九而廬山溢水周
于雉堞洞庭彭蠡爲之襟帶故自晉元康迄于梁陳出

入五代四百餘載世稱雄鎮且曰大

英華作天

府匪親匪賢

莫荷其寄唐有天下六合一軌設險斯廢惟民之

英華作是

恤則命官擇任與列郡等矣至德已來戎馬生而楚氛

惡猶以是邦咽喉秦吳跨躡荆徐而提封萬井岐路五

裂每使臣計郡縣之財入調軍府之儲峙重節旁午羽

書絡繹走閩禺而馳於越必出此之

英華之字衍

路而防虞

供億功倍他郡故亦大其任而難其人今年春渤海封

公繼踐厥位夫爲政猶工之攻木也得于手應于心則

盤曲擁腫迎刃而解況美材乎故公以發硎之利導勝

殘之俗布政三月而人從乂每歎曰茫茫舊壞千載在

目觀乎版築則灌嬰之業皎

英華作朗或作廓

而存焉披乎圖

牒則溫太真庾元規之車塵若可窺焉義寧已來百四十有九載纂斯位者風聲相聆軌躅相躡前賢後賢纍累如貫珠善惡成敗我之元龜酌而行之吾師存焉于是徵諸故老媯其名氏之存者凡若干人揭而書之以爲九江郡國志

吏部郎中廳壁記

太微五帝星座後十五星曰郎位秦漢之君則而象之乃建郎官英華作中至魏世祖分尚書曹爲六郎各六人今之吏部魏之選曹也掌選舉銓覈以正公卿大夫士羣

吏之品位凡廢置之柄官府之序歲終令天下郡縣會

計致事而郎官起草立議操而成之然後尚書受成于

郎中郎中之選非楚金百鍊_{旅作顏}弓六鈞弗與也故

居官者不由選曹

英華有郎字

曹下而進罔以見其才之餘力

英華作地亦猶劍刀之刃未嘗剗大輒

英華作屠大牛

切大玉則雖

曰我且必爲鎮鄉人猶疑之由其途而昇必驟周三臺

翰飛兩掖登喉舌秉刀尺者什六七

英華作七八

諸曹郎莫

敵也歲在乙巳河南賀若公用貞幹諒直實莅厥位往

歲公爲員外郎也東曹朗然如得水鏡治餘杭也吳人

熙熙若逢陽春今也來斯

英華作思

八法在手操割成務彌

綸舊章悉英華作厥如初政嘗以前哲軌躅我之韋弦而武德以來廢署鼎新者數官曹易名者五若姓不表年不紀是廢德也將來何觀故謹而列之俾我曹之春秋存乎座右其選部司列天官文部之目各因其所革時之先後冠于其首以爲志云

太常少卿廳壁記

太常掌玉帛鍾鼓等威文物以報本乎天神人鬼地祇六字英華作天地神祇人鬼凡吉凶賓軍嘉之禮唐虞謂之秩宗周謂之宗伯秦謂之奉常漢謂之太常其掌一也後魏太和十五年始建少卿官小小也用別二卿大小之序亦

猶宗伯有小宗伯列國有上卿下卿郡有守丞亦位亞
一等以少參長而佐其成務焉故事自御史中丞給事
中中書舍人遷秩爲亞卿者必於是司故官因職雄地
以人貴餘八卿不敢與太常齒廣德中上尤審官注意
禮樂其選也以才據英華補能不以資以恩澤不以勞謂李
公卿材也是用超拜公將以忠孝敬慎肅恭神人且懋
其官府政令俾無不恪方議酌前賢之遺塵而損益之
乃贍屋英華作居壁史英華作所記漫滅於是夏五月己丑皆姓
而名之使如珠之貫盱衡指顧儼若對面曰賢者吾得
而師之不賢者吾韋而弦之賢遠乎哉既進牘然後命

博士河南獨孤及爲之志

金剛經報應述

并序

洪州牧刑部尚書兼御史大夫魏公身挂元冕心冥真
如昔常奉般若法以宏正見雖顛沛造次必與經俱十
有若干年矣皇帝中元年冬十月車駕有遯狄之師百
僚蒼黃南馳商於公爲盜所攘而亡其經其往也匪家
之念唯經是悼行與其獲七寶也寧見經生與其亡四
句也寧捨身明年王正月大駕返正公爲京兆尹痛宏
誓之未從也則唯經是圖末於元法寺之藏藏人以送
公發函披卷乃商於所亡之本也問守藏者英華作云亦曰

不知其所自而能得公瞻禮悲喜捧持而泣然後知精
專感達故隨心而至昭報肸蠁其疾若荅顧謂孟子太
常博士友順志之或曰得與喪偶然耳何必謂誠感乎
及對曰誠於此者形於彼故出其言善千里之外應之
此以仁義忠信感於物者也況弟一義諦超貫仁義自
在惠力不啻忠信則因發而果從心誠而經還是法味
幽贊非思議所及豈佛以般若之雨啓公善牙使因相
以英華有次字獲願進登英華作啓乎無願法之英華作之法法歟不
然何心境元合若律呂相召歲在乙酉公以異見告及
跪而述之曰

上士勤道精誠

英華作應

若馳願形於心報亦隨之至感無

礙經斯來歸護公身田俾公斷疑公之善根疇可度思

瑯琊溪述

并序。文粹誤瑯琊溪述序

隴西李幼卿字長夫以右庶子領滁州而滁人之飢者
粒流者占乃至無訟以聽故居多暇日常寄傲此山之
下因鑿石引泉釀其流以爲溪溪左右建上下方

文粹作坊

作禪堂琴臺以環之探異好古故也按圖經晉元帝之

居瑤琊而爲鎮東也嘗遊息是山厥迹猶存故長夫

名溪曰瑤琊溪他日賦八題題於岸石及亦狀而述之

是歲大歷六年歲在辛亥春三月丙午述曰